

## Thoma, Ludwig: Sonnwendfeuer (1894)

- 1 Drunt'n is Nacht,
- 2 Alle Liachta ausg'macht,
- 3 Finsta und schwarz überall'n.
- 4 Buama, laß ma's uns g'fall'n?
  
- 5 Schaugt's umanand!
- 6 Herrgott, wia schö is dös Land!
- 7 Müaß ma's de Schwarz'n verschreib'n?
- 8 Daß uns de Freud außi treib'n?
  
- 9 Hui! Sunnawend!
- 10 Her mit de Scheiteln und brennt!
- 11 Leucht'n halt do no amal
- 12 Lustige Feuer ins Tal!
  
- 13 Sehg'n sie an Schei',
- 14 Kunnt ja dös aa'r amal sei,
- 15 Daß sie's spanna da drunt,
- 16 Wia ma's heller hamm kunnt.

(Textopus: Sonnwendfeuer. Abgerufen am 23.01.2026 von <https://www.textopus.de/poems/49592>)